



GEREJA KRISTEN PROTESTAN SIMALUNGUN (GKPS) SIMALUNGUN PROTESTANT CHRISTIAN CHURCH

Pimpinan Sinode GKPS

Ephorus : Pdt. Dr. Deddy Fajar Purba

Sekretaris Jenderal : Pdt. Dr. Paul Ulrich Munthe

Pematang Siantar, September 2023

Nomor : 605/3-PS/2023

Hal : **TONAH NI PIMPINAN SINODE GKPS BANI JUBILEUM (J-120) RESORT GKPS TAHUN 2023**

Nahinormat:

Haganup Kuria GKPS

Tiba Pandita Resort

Bani ianani bei.

Salam Jubileum 120 Tahun Pardas ni Ambilan na Madear i Simalungun!

Songon parsauranni kuria na parlobei na tarsurat bani Lahoan ni Apostel 2:47, *"Ipuji sidea do Naibata anjaha rosuh do uhur ni simbuei mangidah sidea. Anjaha ganup ari do itambahi Tuhan in na dapotan haluahon bani kuria ai."* Maronjolan bani Hata on, ipadas hanami ma tonah hubani nasiam i resort on, bani na mamestahon Jubileum 120 tahun pardas ni Ambilan na Madear in.

1. Panorang marjubileum aima panorang martarima kasih pakon mamuji goranni Tuhan riap pakon ganup hulanan bolon ni kuria na adong i resort on. Riap mamuji Tuhan halani kuasa-Ni na marhidorat in do na totap marmudu-mudu ronsi mansarihon goluhta. Ase, holong ampa panramotion ni Tuhan in ma homa na manjul-jul hita pataridahkon buahni haporsayaonta ibagas pambahenan marhitei horja diakonia. Romban hujai, ranggi hita ma ase horja Jubileum in paratahkon use pasal idopni uhur ni Tuhan hubanta.
2. Songon parsauran ni kuria na parlobei in, sonai do homa parsauran ni halak Kristen Simalungun bani mungkahni. Ongga do ihorjahon kuria GKPS na parlobei aksi "sanangging boras" laho mangurupi horja padoraskon pekabaran Injil i Simalungun. Bani tahun 1950-an onggga do ibahen haganup warga HKBP Distrik Simalungun patumpuhon "sa-kong boras" tiap bulan ibagas na dua tahun laho pasikolahkon 7 halak Pandita na itabalthon bani tahun 1952. Hunjin taridah paboa salah sada kuasa pakon gogohni Hata ni Naibata aima riap marsiurupan pakon marharoan bolon bani horja pararatkon Ambilan na Madear. Semangat si sonin ma homa na porlu use ipuhoi anjaha idalankon hita marhitei Jubileum Resort on. Buei do pasu-pasu ampa sibere-bere partonduyon na ondos banta marsada-sada tarlobih bani nasiam i resort on. Ase, bahen hita ma ai gabe parhiteian mandalankon horja hasaksian ampa diakonia i tongah-tongahta.
3. Marhitei Jubileum 120 tahun on, lambin pataridah hita ma na dob parsimada hita bani haluahon in. Tanda ni na dob manggoluh hita bani Hata hasintongan in, gabe pasu-pasu ma hita bani ganup hasoman. Ambahni ai, pataridah hita ma pambahenanta na sai tong hobas janah ringgas mandalankon horja na madear in. Hita ma nuan na gabe hataridahanni holong ampa haluahon na humbani Tuhan in.

Sai lambin gok ma malasni uhurta marhitei Jubileumta sadari on, lambin marpangkorhon i tongah-tongah ni hasadaonta sonai age bani horja pangidangion i resort on. Bahen hita na tang sijengesan bani horja ni Tuhanta. Salam Jubileum 120 tahun ma hubanta. Ihasomani anjaha igoki Tuhan ma olob-olobta. Horas!

Salam pakon tonggo,
Pimpinan Sinode GKPS:

Pdt. Dr. Deddy Fajar Purba
Ephorus

Pdt. Dr. Paul Ulrich Munthe
Sekretaris Jenderal

The stamp contains the text: 'GEREJA KRISTEN PROTESTAN SIMALUNGUN', 'PIMPINAN SINODE', 'GK PS', and 'PEMATANGSIANTAR - SUMATERA UTARA'.

Tembusan:

1. Praeses GKPS Distrik I s/d XII
2. Pertiinggal.

Kantor Sinode GKPS
Jln. Pdt J Wismar Saragih No. 23
Kotak Pos 101
Pematangsiantar 21142
INDONESIA

Telp. : (0622) 23676
Fax : (0622) 22626
Email : gkps@gkps.or.id
Website : <https://www.gkps.or.id>